



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
Ո Ր Ո Շ ՈՒ Մ
ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ
ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ**

29.01.2024թ.

ք. Երևան

Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Ն. Հարությունյանս, քննության առնելով առնելով «Ագրոթեքինվեստ» ՍՊԸ (այսուհետ նաև՝ Հայցվոր) հայցադիմումը վարույթ ընդունելու հարցը,

Պ Ա Ր Զ Ե Ց Ի

Հայցվորի ներկայացուցիչ Կարո Գրիգորի Ասատրյանը 12.01.2024 թվականին հայցադիմում է մուտքագրել Դատարան ընդդեմ Երևանի քաղաքապետարանի (այսուհետ նաև՝ Պատասխանող)՝ պատասխանողին Երևանի քաղաքապետարանի հայտարարված հրատապ բաց մրցույթի ԵԲ-ՀԲՄԱՊՁԲ-24/1 ծածկագրով ընթացակարգի 04.01.2024թ. կայացված պայմանագիր կնքելու որոշման մասին համառոտ տեղեկատվության 34-րդ և 35-րդ չափաբաժիններում՝ «Մասնակցի առաջարկած գին» աղյուսակում ուղղում կատարելուն և ուղղված պայմանագրային գնով պայմանագիր կնքելուն պարտավորեցնելու, իսկ անհնարինության դեպքում մասնակի՝ «ԱԳՐՈԹԵՔԻՆՎԵՍՏ» ՍՊԸ-ին ընտրված մասնակից և հաղթող ճանաչելու մասով, 26.12.2023թ. նիստի N 3 և 29.12.2023թ. նիստի N 4 արձանագրություններն անվավեր ճանաչելու՝ գնառաջարկի անհամապատասխանության հիմքով ճանաչելով հայտը մերժված և հայցվորին հայցի ապահովման վճարումից ազատված, պահանջների մասին: Հայցադիմումը դատավորի աշխատակազմին է հանձնվել 17.01.2024թ.:

Դատարանի 22.01.2024 թվականի որոշմամբ հայցադիմումը վերադարձվել է: Որոշումը, հայցադիմումը և կից փաստաթղթերը հայցվորի ներկայացուցիչը ստացել է 23.01.2024թ.:

Հայցադիմումը կրկին ներկայացվել է 23.01.2024 թվականին՝ հայցադիմումի վերադարձման համար հիմք հանդիսացած թերությունները շտկված: Կրկին ներկայացված հայցադիմումը դատավորի աշխատակազմին է հանձնվել 24.01.2024 թվականին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ



սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Քննության առնելով հայցադիմումը, ուսումնասիրելով կից ներկայացված փաստաթղթերը՝ Դատարանը գտնում է, որ ներկայացված հայցադիմումը համապատասխանում է ՀՀ քաղաքացիական դատավարության օրենսգրքի պահանջներին, առկա չեն հայցադիմումի ընդունումը մերժելու կամ հայցադիմումը վերադարձնելու հիմքեր:

Միաժամանակ Հայցվորի ներկայացուցիչը միջնորդություն է ներկայացրել գործը դատական նիստում քննելու մասին:

Միջնորդությամբ հղում կատարելով ՀՀ քաղաքացիական դատավարության օրենսգրքի 234.9-րդ հոդվածին, հայտնել է, որ գործն անհրաժեշտ է քննել դատական նիստում՝ հնարավորություն տալով Հայցվորին լիարժեք ներկայացնելու իր դիրքորոշումը և ապահովել վերջինիս լսված լինելու իրավունքը:

ՀՀ քաղաքացիական դատավարության օրենսգրքի 234.9-րդ հոդվածի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Գործը դատական նիստում քննելու վերաբերյալ միջնորդությունը գործին մասնակցող անձը կարող է ներկայացնել մինչև հայցադիմումի պատասխան ներկայացնելու համար սահմանված ժամկետի լրանալը:

Գործը դատական նիստում քննելու մասին դատարանը կայացնում է որոշում հայցադիմումի պատասխան ներկայացնելու համար սահմանված ժամկետը լրանալուց հետո՝ եռօրյա ժամկետում:

Գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Սույն դեպքում Հայցվորի ներկայացուցիչը գործը դատական նիստում քննելու մասին միջնորդությամբ ընդամենը փաստարկել է, որ դատական նիստ պետք է հրավիրել՝ հնարավորություն տալով Հայցվորին լիարժեք ներկայացնելու իր դիրքորոշումը և ապահովել վերջինիս լսված լինելու իրավունքը: Դատարանն արձանագրում է, որ միջնորդությունը չի պարունակում հիմնավորում՝ գործը դատական նիստում քննելու անհրաժեշտության վերաբերյալ: Ինչ վերաբերում է իր դիրքորոշումը լիարժեք ներկայացնելու հնարավորությանը և լսված լինելու իրավունքին, ապա ինչպես արդեն նշվեց, ընդհանուր կանոնի համաձայն՝ գնումների վերաբերյալ վեճերով գործերը Դատարանը քննում և դրանց վերաբերյալ վճիռները, որոշումները կայացնում է գրավոր ընթացակարգով, իսկ Հայցվորը զրկված չէր հայցադիմումով իր դիրքորոշումը լիարժեք ներկայացնելու իրավունքից:

Նման պարագայում ներկայացված միջնորդությամբ Դատարանը չի կարող գալ եզրահանգման, որ գործն անհրաժեշտ է քննել դատական նիստում, ուստի միջնորդությունն ենթակա է մերժման:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 199-րդ, 200-րդ, 234.5-րդ, 234.6-րդ, 234.9-րդ հոդվածներով՝

Ո Ր Ո Շ Ե Ց Ի

«Ազրոթերինվեստ» ՍՊԸ հայցադիմումն ընդդեմ Երևանի քաղաքապետարանի՝ Երևանի քաղաքապետարանի հայտարարված հրատապ բաց մրցույթի ԵԲ-ՀԲՄԱՊՁԲ-24/1 ծածկագրով ընթացակարգի 04.01.2024թ. կայացված պայմանագիր կնքելու որոշման

մասին համառոտ տեղեկատվության 34-րդ և 35-րդ չափաբաժիններում՝ «Մասնակցի առաջարկած գին» աղյուսակում ուղղում կատարելուն և ուղղված պայմանագրային գնով պայմանագիր կնքելուն պարտավորեցնելու, իսկ անհնարինության դեպքում մասնակի՝ «ԱԳՐՈԹԵՔԻՆՎԵՍ» ՍՊԸ-ին ընտրված մասնակից և հաղթող ճանաչելու մասով, 26.12.2023թ. նիստի N 3 և 29.12.2023թ. նիստի N 4 արձանագրություններն անվավեր ճանաչելու՝ գնառաջարկի անհամապատասխանության հիմքով ճանաչելով հայտը մերժված պահանջների մասին, ընդունել վարույթ և համարել Դատարան ներկայացված այն սկզբնապես ներկայացնելու օրը՝ 12.01.2024թ.:

2. Քաղաքացիական գործով եզրափակիչ դատական ակտը հրապարակել 2024 թվականի մարտի 11-ին՝ դատական իշխանության պաշտոնական կայքում:

3. «Ագրոթեքինվեստ» ՍՊԸ միջնորդությունը՝ գործը դատական նիստում քննելու մասին, մերժել:

4. Որոշումն ուժի մեջ է մտնում կայացման պահից:

ԴԱՏԱՎՈՐ՝



ՀԱՐՈՒԹՅՈՒՆՅԱՆ